



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Na osnovu člana 8. Zakona o ministarskim, vladinim i drugim imenovanjima („Službene novine FBiH”, br. 12/03, 34/03 i 65/13), člana 105. stav (2) Zakona o zdravstvenom osiguranju („Službene novine Federacije BiH”, br. 30/97, 7/02, 70/08, 48/11 i 36/18), člana 9. stav (2) Odluke o osnivanju Zavoda zdravstvenog osiguranja Kantona Sarajevo („Službene novine Kantona Sarajevo“, br. 7/98, 30/07 i 1/22), člana 24. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, br. 4/00, 18/02, 30/08, 1/12, 15/13 i 9/22), te tačke VI Odluke o kriterijima za nominiranje/imenovanje direktora Zavoda zdravstvenog osiguranja Kantona Sarajevo, kojeg je osnivač Kanton Sarajevo, („Službene novine Kantona Sarajevo”, br. 3/14 i 13/22), Ministar zdravstva Kantona Sarajevo, raspisuje

JAVNI KONKURS ZA IMENOVANJE DIREKTORA ZAVODA ZDRAVSTVENOG OSIGURANJA KANTONA SARAJEVO

Objavljuje se Javni konkurs za imenovanje direktora Zavoda zdravstvenog osiguranja Kantona Sarajevo (u daljem tekstu: Zavod).

Zavodom rukovodi direktor.

Opis pozicije direktora Zavoda:

Direktor Zavoda organizuje rad i poslovanje Zavoda, provodi dogovore, sporazume i ugovore koje Zavod zaključuje ili im pristupa, stara se o blagovremenom obezbjeđivanju finansijskih sredstava, njihovoj namjenskoj upotrebi i odgovoran je za korištenje finansijskih sredstava, stara se o zakonitom, pravilnom i blagovremenom ostvarivanju prava osiguranih lica, daje naloge za izvršavanje finansijskih poslova i drugih akata Upravnog odbora Zavoda, rukovodi radom Stručne službe Zavoda i donosi stručna uputstva i smjernice u cilju zakonitog, pravilnog i blagovremenog obavljanja poslova, donosi Pravilnik o unutrašnjoj organizaciji i sistematizaciji radnih mjesta Stručne službe Zavoda, a uz saglasnost Vlade Kantona Sarajevo, obrazuje radne grupe za izradu složenijih akata i materijala, stara se o ostvarivanju javnosti rada Zavoda, obavlja i druge poslove utvrđene Statutom Zavoda.

Direktor Zavoda je za svoj rad odgovoran Ministru zdravstva Kantona Sarajevo, Vladi Kantona Sarajevo i Upravnom odboru Zavoda.

Mandat direktora Zavoda je četiri (4) godine.

Kandidati koji se kandiduju za navedenu poziciju dužni su ispunjavati sljedeće uvjete:

▪ Opći uvjeti:

- da je državljanin Bosne i Hercegovine (dokaz: uvjerenje o državljanstvu ne starije od šest mjeseci);
- da je stariji od 18 godina (dokaz: rodni list ili ovjerena fotokopija rodnog lista ne starija od šest mjeseci);
- da ima opću zdravstvenu sposobnost za obavljanje navedene pozicije (dokaz: ljekarsko uvjerenje o radnoj sposobnosti ne starije od šest mjeseci), Napomena: Ovaj dokaz će dostaviti kandidat koji bude izabran za direktora;
- da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije (dokaz: izjava kandidata potpisana i ovjerena od strane nadležnog organa);
- da se na njega ne odnosi član IX.1. Ustava Bosne i Hercegovine - da nije pod optužnicom od strane Međunarodnog tribunala za bivšu Jugoslaviju (dokaz: izjava kandidata potpisana i ovjerena od strane nadležnog organa);

▪ **Posebni uvjeti:**

- da ima stečenu diplomu visokog obrazovanja i to najmanje VII stepen stručne sprema visokog obrazovanja (po predbolonjskom obrazovnom sistemu), odnosno visoko obrazovanje prvog (i drugog) ciklusa Bolonjskog sistema studiranja koji se vrednuje sa najmanje 240 ECTS iz oblasti društvene ili medicinske univerzitetske naučne grupacije (po Bolonjskom sistemu obrazovanja) (dokaz: ovjerena fotokopija diplome ili uvjerenja o diplomiranju), kao i tri godine radnog iskustva na poslovima u oblasti zdravstvenog osiguranja i zdravstvene zaštite (dokaz: potvrda poslodavca). Sva lica (uz izuzetak onih sa završenim ekonomskim fakultetom) trebaju imati završenu dodatnu edukaciju iz ekonomskih nauka u trajanju od najmanje jedne godine (ili dva semestra ili 60 ECTS) ili zdravstvenog menadžmenta (nivo SHCE 3) (dokaz: original ili ovjerena fotokopija uvjerenja, certifikata ili potvrde o završenoj dodatnoj edukaciji iz oblasti ekonomskih nauka ili zdravstvenog menadžmenta);
- da ima komunikacijske i organizacijske sposobnosti, kao i sposobnosti za timski rad (dokaz: preporuka poslodavca);
- da poznaje jedan strani jezik (dokaz: original ili ovjerena fotokopija certifikata, uvjerenja ili potvrde o poznavanju jednog stranog jezika ne stariji od šest mjeseci);
- da nema privatni – finansijski interes u Zavodu za čijeg se direktora kandiduje (dokaz: izjava kandidata potpisana i ovjerena od strane nadležnog organa);
- da nije član upravnog odnosno nadzornog odbora niti jedne javne ustanove odnosno drugog budžetskog pravnog subjekta (dokaz: izjava kandidata potpisana i ovjerena od strane nadležnog organa).

Uz prijavu na ovaj javni konkurs kandidati, pored naprijed navedenih uvjeta su dužni dostaviti i Viziju - plan rada i razvoja Zavoda, kojim se predlaže funkcionisanje i finansiranje zdravstva za mandatni period.

Prilikom izbora kandidata na poziciju direktora Zavoda uzet će se u obzir priznanja i rezultati koje je kandidat do sada stekao na rukovodećim pozicijama. Svi kandidati koji budu stavljeni na listu užeg izbora bit će pozvani na intervju.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrazac će se preuzeti i popuniti neposredno prilikom intervjua.

Konkurs ostaje otvoren 15 dana od dana posljednjeg objavljivanja. Ovaj konkurs bit će objavljen u „Službenim novinama Federacije BiH”, dnevnim novinama „Dnevni Avaz“ i na web stranici Ministarstva zdravstva Kantona Sarajevo: <http://mz.ks.gov.ba>.

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata ne starije od šest mjeseci (*osim dokumenta - uvjerenje o državljanstvu koje ne smije biti starije od šest mjeseci*), kao dokaz o ispunjavanju općih i posebnih uvjeta traženih ovim oglasom.

Obrazac prijave i obrazac izjave se mogu preuzeti sa web stranice Ministarstva zdravstva Kantona Sarajevo.

Prijave sa traženim dokumentima se dostavljaju lično ili poštom preporučeno, u zatvorenoj koverti sa naznakom „PRIJAVA NA JAVNI KONKURS ZA DIREKTORA ZAVODA ZDRAVSTVENOG OSIGURANJA KANTONA SARAJEVO – NE OTVARAJ”, na sljedeću adresu: Ministarstvo zdravstva Kantona Sarajevo, ul. Reisa Džemaludina Čauševića br. 1, Sarajevo.

Prijave koje ne sadrže propisano iz ovog konkursa odbacit će se kao nepotpune.

Prijave koje budu dostavljene nakon roka iz ovog konkursa odbacit će se kao neblagovremene.

Na Odluku o imenovanju na poziciju direktora Zavoda zainteresirana stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Nakon završene procedure imenovanja, prijava i dokumentacija se neće vraćati kandidatima koji su aplicirali na ovaj javni konkurs.

MINISTAR

Prim. mr sci. dr med. Enis Hasanović, s.r.